

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1248 del 24/05/2024

Traduzione in mòcheno

En sònsta af de 25 van moi der earste To van meivern se Euregio 2024

[Mòcheno] En sònsta af de 25 van moi ist bider der To van meivern se Euregio. Ber as hòt der EuregioFamilyPass oder de tauerkòrt nou gilte en Tirol, Sudtirol ont Trentin ver òllgamo'a'vekear gilte ver a jor oder ver secks mu'netn, ont ver en Trentin gilte ver a mu'net oder a boch aa, barn meing roasn va Kufstein finz en Borghetto en an dèster ont sicher vurm. Asou abia as u'ganommen kemmen ist van GECT Euregio Tirol-Sudtirol-Trentin, s bart an òndern endlechen to gem af de 9 van òlderhaileng 2024.

De trentiner Provinzialjunta, pet an vourtschbinn van asesor en de urbanistik, en de energi ont en verkear, hòt formalisiart bail en sitz van pfinsta va de 23 van moi as men en de sèlln zboa ta vrai roasn meing bart turch en de drai lender. De lait barn miasn hom a giltega tauerkòrt ver en verkear oder der EuregioFamilyPass.

Enteressiart sai' de òrbeter, de universitet studentn (pet tauerkòrtn af de app en smartphone aa), schualer ont studentn finz en de vinfte klasse va de schual va zboate tritt, pensionatn, kategori G.

En Trentin barn prauht kemmen meing de regional zuchdinstn turch de linea van Brenner zbischn Mezzocorona ont Borghetto, de zuchpon Trento-Malé ont de zuchpon va Valzegu', de bus va Trea't, Rovereto, Riva del Garda, Arco, Nago, Torbole, Persn ont Lavis, de dinst aus stòtt va Trentino Trasporti. Men bart nèt prauchen meing de zich va lònga ring abia Frecciagento, Railjet, Eurocity ont Intercity (IC).

En Sudtirol ont en Trentin barn a toal soalpent aa vrai sai', as òlbe eppes schea's za tea' ist ver de gònze familia: en Trentin de soalpent Trea't-Sardagna, en Sudtirol de soalpent van Renon, van Colle, va Voran, Meltn ont Meransen, ont nou der zuch van Renon ont de soalpent va de Mendola. En de naikait nimmp toal de AutoPostale Svizzera zbischn Malles ont Val Monastero aa, ober nèt de Linea 282 Tanas-Lana ont de Shuttle Nightliner.

De lait kemmen inngalont za gem òcht en de stunnen ver de zaruckroas, aa avai s ist moglech as en doi to mear lait roasn barn va sistn. Men vinnt pessera nochrichtn iber en de stunnun af de websaitn: www.vvt.at (Tirol pet de zuchnetzn pet en Sudtirol), www.suedtirolmobil.info/it/ (Sudtirol pet de zuchnetzn ver Innsbruck ont Lienz) ont www.trentinotrasporti.it (Trentin).

Òndra nochrichtn pet en doi link:

<https://www.europaregion.info/it/euregio/progetti/mobilita-trasporti/giornata-della-mobilita-euregio/>

Derzua: flyer pet nochrichtn

Ibersetz gamòcht van Sprochtirl va de Tolgamoa'schòft Hoa Valzegu' ont Bersntol

(cdt)

